

松
風
閣
詩
鈔

松風閣詩鈔

長洲 彭蘊章詠我

卷十二 問心集 古今體詩一百十二首

贈王生叔蘭

道徵

二首

四十博一衿同儕推老宿莫耶新發硎管城豈云禿低
頭理殘編志不存干祿三山文獻徵磊磊滿君腹鍵戶
且著書出遊常秉燭懷哉遜世蹤幽蘭在空谷
幽蘭洵美矣何如秔稻香刈穫足民食黍盛供

帝倉爲功在斯世豈獨予情芳且讀有用書來日今猶
長學成識俱進再問名山藏余亦老鉛槧相長期無荒

春夜山中作

聞嶠春三月亂蟲啼滿山非蟬亦非蟀聒耳聲譁然良
因地氣暖草木常滋繁冰霜終歲少蠕動全其天惟人
少閉藏精華盡洩宣苟無修養術安得齊彭錢

題楊雪菜光祿柳港歸漁圖

伊人本是釣鼈手一笠歸來五柳居早識直鉤無用處
閒遊濠上爲觀魚

居然青箬綠蓑衣勛寺肩隨舊夢非難得天涯重結侶
每因索句叩苔扉

綠楊如霧水如煙花巖漁莊別有天釣雪舟中詩意冷

揚誠齋
故事 家風好託畫圖傳

鱒魚新詠和偏遲

君有新詩
尙未和答

想見珊竿入手時我憶石

湖垂釣處秋風鱸膾季鷹思

閩南夏日口占三首

石瘦人同瘦

閩人面
多瘦削

魚奇蟹亦奇

魚奇形甚多海蟹
形亦異於常蟹惟

當烹雀舌勺水掬清池

惟茶尙可飲庭
中亭泉亦清冽

落葉半庭長夏

夏間樹
多落葉

好花不斷三冬羣木四時蒼翠

後凋何必青松

濃霧一天蒸日出清風幾陣雨隨來深宵擁絮朝披葛

十二時中四序催

鱖魚

鱖魚十二足其尾長於身蹒跚形似鼈負堆游海濱魚
子堪作醬蠶美調甘辛一朝入漁網漑釜同凡鱗

食荔支有懷仲弟

荔支兩度熟未與子同啗虛此閩山行口腹抱餘憾憶
看烏柏株燦燦依野店疑是嶺頭梅芳意春前占其嗟
風景殊歲月去如帆六我在煙嵐中終日操鉛槧遙念

蘇臺人枇杷應屬麼

烏啼

風雨黃山深烏啼無好音鶯歌玉階怨燕語白頭吟寒

意春尤冽嵐光晝半陰清聲蘇病骨海鶴下遙岑

荔支全韻詩

有序

庭前荔支初熟偶閱蔡君謨帖作斷句三十首
扶荔名高漢代宮獻來南越翠犀同懷柔雄畧推隆準
賜與葡萄蜀錦紅

天寶珍奇比正供星馳南海驛千重長生殿裏題新曲
一騎傳來報許封

君謨荔譜品無雙紫號陳家綠號江今日講堂畱一樹
離離幾顆傍榕窗

上林幾見種離支無當應教比玉卮劍閣雲深巴峽遠

蜀川風味馬卿知

西域蒲桃魏帝譏北方佳果比應稀貢裁七郡東京事

豈料唐家有貴妃

王逸朝霞擬不如稚圭星映漫修書張梨梁柿都無色

中令才華合賦渠

萬樹玲瓏色點朱忠州白傅繪成圖終憐蜀棧長安遠

香味三朝已盡無

雲巖一角紫雲犁四郡名殊費品題灑到溫泉應更美

道山合與鳳岡齊

白曬紅漿未是佳蜜封應共橘逾淮遠人漬酒經年美

甘液何如摘半厓

一枝紅豔破瓊瑰欲做楊家別種梅百顆投來方大理
游藍未許盛名推

古寺虎斑未足珍牛心二寸味超倫丁香大蒂都稱異
不負梯山遠宦人

東山十里爛紅雲玳瑁硫黃香色分別有一株名朴梯
蒲桃抽朶穗紛紛

蚶殼深渠遍一村龍牙無核倚重門漿多味淡偏蠲渴
爲有流泉灌樹根

眞珠圓白氣如蘭纖小還同玉粒餐更有瑯琊佳種在

好將十八女郎看

梗似枇杷出火山何年移植萬松關別誇麗色釵頭飾
共說將軍五代間

雙髻峩峩並帶蓮流芬千里到漳泉中元紅荔甘尤烈
待拂秋風火欲然

紫綺仙人下玉霄瓊漿寶甕挹朝朝縱然畫出眞仙骨
齒頰清芬未易描

橘柚荆揚貢厥包中天閩越尙檜巢漢唐而後輿圖廓
千載仙霞詠樂郊

莫返童顏白髮搔摘來仙果咽瓊膏搗將萬顆成甘餌

我欲滄洲釣巨鰲

南北村前曳杖過垂黃綴紫看如何絳繡仙子來何暮
玉笛吹殘越客歌

閩南風味好相誇九曲峯頭鳳餅茶佳果還堪超越蜀
龍巖鬪美素心花

虬珠冰繭總難方卻似寒梅帶雪嘗仙蛻天然芳竟體
未容林下麝焚香

鶴頂流丹樹樹明筠籃山徑有人行渾疑兔杵元霜乞
一夢高寒到水晶

枝頭漸漸落繁星多謝冬郎兩眼青畱得雙株橫浦岸

好吟連理倚江亭

酡顏一笑冷如冰
證果西來赤腳僧
箇裏甜酸君自識
品評何必判三乘

海上仙人白玉樓
絳綃披處不禁秋
人間自有長生藥
悔煞蟠桃曼倩偷

襍穢何勞瓜鎮心
底須止渴問梅林
好將冰玉南豐句
寫出高寒白雪吟

嘗慣酸辛不耐甘
仲翔夢裏咽爻三
一官已斷蓴鱸想
玉局深情戀嶺南

虛堂避暑日垂簾
飽啗冰丸酸更甜
聞說莆田栽更好

要將白玉糝紅鹽

釣雪書來遲復函連朝餐玉逞清饒荔支合補詩全韻
好乞誠齋爲削劊

竹溪夜泊

冠蓋郵亭笑語溫我來重唱出西門波心雲影綺羅裂
山下泉聲鼓角喧上水船難爭下水秋原草卻似春原
舟車三載今過半來歲寒梅問故園

久雨初晴延平試院有懷仲弟暨楊與山吳門

新晴樓閣薄寒侵劍水重來思不禁日出虛窗馳野馬
秋深老樹喚山禽簿書不擾閒官慮文字難知作者心

苦憶舊遊星散後吳天迢遞雁書沈

先考諱日建甯試院感懷

老去思親更可悲兒今斑白復何爲天涯祭奠半生事
故國松楸千里思廟勒鼎鐘非我望書傳閩粵有人知
府君著感應錄章旣刊于閩
鄭夢白中丞又刊于粵西
歐公表墓將何待不辱其
先論定時

竹朋同年見示近作題贈三首

憶昔長安住門前轍迹稀偶然相過訪默爾各忘機榕
嶠一麾到柯亭三載違文人皆慕李况我別依依
見善如不及聖言豈我欺今君多善政輿頌清且慈爲

邦其庶矣於物皆孩之吾復何所獻心迹山神知
肩輿行萬嶺衰颯一腐儒堪笑已盲學何能人破愚捫
心才既竭滕口道終迂絳帳慚非分編摩庶自娛

再至考亭祀朱子作

建陽城抱萬山青理學餘風溯考亭楊李墓祠同不改
元明兵燹幾曾經我來兩度邀神貺公去千秋有德馨
師弟一門絃誦盛好將詩禮繼前型新設經蒙學館卽以朱氏生員爲塾師

建陽嘉禾朱子墓前享堂再燬於火前漳州府鶴

田方公寶慶募貲重建喜而有作

昔賢祠宇委埃塵卜築今看丹雘新俎豆已隨顏學孔
文公於國朝輔車豈比越同秦墓前負土三千士碑
升列十哲之次側題名五百人漳郡官紳士子捐共仰師資涵教澤海
濱鄒魯俗原淳

龍巖除夕二首

閩南已過三除夕翦燭虛窗手一編慣與賓朋談日下
憐無兒女話樽前撥開雲霧天將半踏遍崎嶇路幾千
午夜聽鐘懷 禁禁不知身在萬山巔

爆竹聲中夢早朝銅龍初闕景清寥羊燈忽見移三殿
鳳竹微聞奏九韶日出丹墀排玉仗香騰金鼎傍珠杓

山城譙鼓催人醒
星斗闌干望紫霄

石鐘巖和弢叔

石洞如張脣
石牙垂數尺
猛獸方欲噬
怒氣填胸臆
我行出其下
日暗天昏黑
乍臨深淵蟠
蛇路偏仄頑
獷徒生憎峯
巒非秀特
胡爲洪濛初
天公費彫刻
我欲呼愚公
移之北海北

挽舟嶺和弢叔

鷲嶺起千盤
人如飛鳥度
行行到峯巔
峯迴復有路
筇輿力已疲
西巖日將暮
不見有山村
山中滿雲樹

己酉龍巖元旦盆蘭盛開

閩嶠春光早幽蘭歲首開閒吟虛室裏時有暗香來淑
氣回新柳芳心逗古梅何如移九畹試院滿庭栽

閩中春初水仙桃蘭桂菊並開

閩南海角冬常溫四時嘉卉榮初春水仙本是凌寒種
桃花穠豔開芳辰香蘭宜夏桂馥秋黃菊霜中並始繁
茲何競秀韶光轉四序遷流渾不辨變幻誰知造化心
搜羅欲盡巖溪選如呼漢魏六朝唐宋諸名賢厝對一
堂忘歲年或攜經師之博奧或效騷客之芊緜或遊支
章之林府或談道學之淵源嶽嵒磊落各異致千秋把
臂敦古歡我因看花發奇思惜哉今人不見古人事

按試漳郡送萬葵田觀察奉諱旋里

憶昔長安道諫臺聞直聲乘軺莅閩嶠杯酒餘歡情
龍溪今再至衰經話班荆惻惻悲風木丹旆故鄉行
故鄉章江路千里計郵程山行雲霧溼水宿風濤驚
辛苦事遊宦祿養慰平生今抱解民痛過歸窀穸營
孝思已無忝願復繹忠經

國計方紆策求賢勞

聖明佇看雲出岫和氣甘霖蒸策馬到金臺相期寒暑

更吾師山谷叟

謂樹齋師

冷落草元亭詩篇徒滿篋楚粵

路縱橫託君凌風翰達我區區誠何時還日下及此未

衰齡

南郡

南郡新年曳裕衣晴窗展卷趁斜暉
海濱地轉韶光早日下書傳世事稀
老去不堪遊五岳病餘還欲候三微
茶鐺藥裹常相伴歷盡秋冬春又歸

泉州府學聽講書作

爭講孝哉閔子騫良知不昧秉於天
佩牛勸後民風改害馬除餘士習賢
前中丞夢白鄭公撰戒闢說余攜至各處散給生童幾及萬卷今有南安
生員王昌南勸止鄰右戒闢
年餘無事余手書此聯獎之只許揮毫文作戰未妨讓
畔硯爲田鼠牙雀角何多事熟讀風詩行露篇

曉發泉州

又賦駢征戴曉星溫陵城外草青青漫天雲起山容變
捲地風來海氣腥萬壑泉聲新舊雨三春柳色短長亭
川塗滿眼勞人思落日榕村車暫停

聞蛙

泉州正月亂蛙聲已似江南大雨行破寂居然來兩部
攪愁不覺到三更每懷時序無停轍漫說官私有異情
迴憶南園聽雜沓滿窗梧影一燈明

喜慰高祖壽至

病裏思鄉白髮侵雁行入戶慰余心三年已作無家別

千里同歌遊子吟白鶴峯頭春雨滿烏龍江上暮潮深
剪燈閒話家園景臥聽清風送遠林

四月四日送黃雨如

式度 蓉生 傳驥

袁宗山 崇江

張叔

混

從子喬仙

孚甲

歸里

作客三年久崎嶇歷盡時方舟歸故里春雨灑江湄
劍風雲氣囊琴山水思鹿鳴廣雅什千里慰心期

亭泉

在福州試院池
中天旱不涸

池中有泉池水平昔人曾以亭爲名靜深有似川流德
化機妙與時偕行悟茲爲學貴有本功同疏淪闕虛靈
源頭不窒至以游四海未到科先盈

雨歇懷弢叔喬仙

雨歇天復晴室虛客初去懷哉兩少年危難擊楫渡涉
世多憂虞求名聽時數浩歌還故鄉足歷千山路

題王月船刺史

光錫

太姥山紀遊詩

別有神仙骨名山借一枝峨眉縈舊夢太姥紀新詩翰
墨緣非淺功名數未奇萑苻空大澤不負擁旌麾

弢叔諸友登舟七日水急不得進仍泊洪山橋朱

友松

逢慶

宋少圃

柏齡

往尋之貺以食品

登舟今七日仍復泊榕邨市遠餐無味橋低浪欲吞有
人尋泛宅高詠出西門吳越三千里何時返故園

四月十四日登烏石山詣道山觀

何處神仙宅我來訪道山路隨青嶂曲門帶白雲關香
火緣非淺輿徒意亦閒當年齋醮地回首葑溪灣

烏石山麓晚眺

烏石千盤峻閒遊陟此坡深叢花氣少怪鳥幻聲多城
市腥魚蛤山邨暗薜蘿我來尋古寺落日照青莎

借林編修

春溥

謁城南朱子祠

考亭廟貌遍閩山香火城南地本閒欲自元明溯南宋
不分濂洛更秦關微茫心學千秋寄區別歧途二氏閒
九頓峯前祠墓古白雲深處願躋攀

蔣心香水部同年寄示歲暮見懷之作奉答

別來詩思豔於花
閉閣焚香想八叉
斗酒百篇誰學步
長城五字已名家
文場跌宕年方少
郎署蹉跎鬢未華
卻喜冷官無一事
折梅還欲寄天涯

聞胡實甫希周太守移家徽州

年來燕羽歎差池
一別金臺歲月馳
范子五湖歸隱處
宋都六鷁退飛時
君由歸德守左遷回里
抽身宦海須仙骨
策馬

荒山繫夢思
余與君兩度同上春官
何日相逢樽酒會
爲談三十

六峯奇

挽何一山侍御同年

與君同上木蘭舟燕羽分飛不自由道院聽鐘忘歲月

君寓圓通道院最久余亦會同居

直廬橐筆幾春秋

後與君同值樞垣數載

西風

匹馬成詩讖

君爲諸生時嘗夢得一仙聲華堪並李青蓮

詩云第一才名第一

匹馬西風落照前後以庶吉士散館

上親擢第一尋

若百前

南浦清樽話別愁惆悵雁書傳海嶠蓉城已識

曼卿游

余在閩得陳子鶴侍郎書知君辭世逾月始得君手書蓋歿前一日作也字畫工秀不異平時

齋中讀書作十一首

少小讀論語兼誦朱子註剖析在微茫心知善惡路壯而失其守皆爲嗜欲誤理豈反不明明而自欺故須下堅定力庶不蹉吾步

去聖日以遠，百家多辨才。功利與刑名，滔滔放厥詞。末流爲二氏，高明乃慕之。昌黎原性道，毒霧明朝曦。紫陽釋論孟，大旱見雲霓。於茲五百載，天地生光輝。奈何不師古，觸處歧途迷。

秦燔經籍廢掇拾，在先儒存者十之一。堪破後人愚，或以口相授。繼乃筆諸書，或傳蝌蚪字。聲牙千載餘，豈無襲謬謬。大意終不殊，奈何不信古。憑臆改其初，駕彼後生駒。而云能識塗。

賢愚皆好奇，古書率多僞。三墳既可造，九邱何難志。嗟彼崑崙山，何人至其地。徒侈域外觀，空談皇古事。讀者

亂聰明作者矜才智我欲驅羽陵萬蠹食其字

相如凌雲筆探原本楚騷始闢詞章門多豔以爲豪沿
流及六代鄭衛聲浮囂卓哉韓吏部一抉如怒潮百家
避其銳六籍掇其膏我讀南海碑雄傑西京朝華實春
秋弁奇偶陰陽交笙簧閒鐘鼓鼎彝先陶匏執一非至
道虛僞漫相高

沱潛雖末派可以達江漢艤舟汙池中終身尺土畔小
學先愛敬力行思過半嗟哉餽飭儒徒使聰明亂更有
浮夸子沈溺攻詞翰老矣竟無成庸夫同一歎

窮鄉有鬪者里正親見之何來儒冠人傳聞多異詞邑

幸好風雅竟不儒冠疑曲直判然定安用里正爲斷獄
盡如此難免行路嗤况生秦漢後遙溯商周時

古人知行並子路恐有聞今人但求知躬行不復論名
理競探蹟履蹈崇率真自命爲曠達欲叩元妙門白首
了無得終與庸碌羣求知不求行遺憾在人倫

少小耽邱壑苦吟常閉關頗慕道家術靜虛心自安中
歲遊京國求名良獨難蹉跎人海內五十猶卑宮書因
教子讀詩以寫憂傳垂老尙盲學矻矻耕硯田難免後
生笑無聞又幾年

躬耕闔闔城自謂當終老一朝辭故園結綬長安道十

載傍 輪扉人羨此官好自念性疎野每計抽簪早九
遷感知遇捐軀圖結草乘軺閩嶠行敦學心渺渺教士
兼淑身詩書開素抱

詩書理三載髦士列門牆束修雖至薄卻之弗令將購
書以爲贄一笑受而藏因此投滿篋五車富青箱閩中
多先哲理學尊紫陽延平開先路西山附後行匡時邵
武李殉節漳浦黃我 朝安溪叟羣經費評量各有專
家集輕舟歷歸裝畱貽子孫讀我老視茫茫

閩四月中旬大雨四晝夜作

雷聲若崩山雨注如狂瀾言更四晦明雨止日色殷衢

巷通舟楫城堞棲人煙昏墊須臾耳水退民卽安歸墟
大海近積潦非所患但當憂雲漢煨我高岡田

題補石亭

卽三百三十
有三士亭

牆外諸峯積翠分空亭日日眺斜曛秋風石上縈青蔓
春雨池中起白雲海岳拜餘尊丈號初平此後化羊羣
箭河往事存詩卷贗本流傳不逮聞朱竹君先生作三
百三十三士亭圖
前賢題詠甚多後爲某公以摹本易之復
有并易摹本以去者而此圖遂無足觀矣

贈林生

聰彝

少小從阿翁跨馬出西域崎嶇歷八城屯田費擘畫尊

少穆先生奉命經理能說山川勢兼聞防禦策歸來

西口外屯田生實從焉

公武蜀詩抄

卷十二

弄柔翰流譽文場特作賦士衡儔請纓終軍敵文武用
皆宜儒冠豈易得

歲試福州陳生

廷毅

年十五首先完卷文理清暢

遂拔之科試時林生

佑曾

年十二詩賦嫻熟梁

生

鳳翔

年十四文才清俊皆取入學以詩勗之

陳生走筆下水船二千人中首一篇林生弱歲工詞賦
梁生文藝亦粹然三生皆以年少異毋乃山川鍾秀氣
願生還將鐵硯磨經濟文章儒者事堪驚歲月去如馳
少年不學老將至

王生

叔蘭

感余知遇倩其友寫榕陰問字圖索題

圖中兩人之貌皆未似也聊記一篇

我本慚識字感君來問津圖中蒼髯者先生何許人青
衿旁侍立亦未肖其真聊借詩畫筆敘此平生親何必
求其似阿堵更傳神

蠹魚

文字生涯墨客同芸香辟處去匆匆曾窺壁簡千秋上
半葬秦灰一炬中腹有詩書痕未化函非金石路終通
可能三食神仙字脈望如環照碧空

寄祖賢祖彝兩兒二首

讀書尋淵藪庶可博其趣觀記豈不勞書紳終有數譬

如窮巷士貴識康莊路日益在新知仍勿忘其故
作文以明理理足文不羣語出必心撰仍不殊衆云但
求快於己無取悅於人已快人自悅一理原無分

少時得林吉人書樂毅曹娥二帖今攜入閩思泐
石以公諸閩士而閩石粗疎無能摹泐因仍藏
之并係以詩

濯濯遺仙筆藏之卅四年今還閩海畔欲借石工傳手
拙難爲役心摹體尙全千山重遍歷書簾飽風煙

齒落

我來閩南落二齒老境何爲至於此天下無如喫飯難

珍饒膾炙無論矣，壯牙北齒三十二年未六十脫其四。
戒得當從血氣衰，毋乃天公儻饜意。辟穀何能事赤松，
采芝欲問南山翁。陋巷一瓢如可飲，啓期三樂吾與同。

振山弟有詩寄懷奉答二首

卜宅三遷後，浩然歸故居。烏棲枝未定，鸚啄稻無餘。
老去田廬重，貧來骨肉疎。吾鄉好山水，何處學樵漁。

故園曾共讀，爾幼我成童。燕雁分飛久，江湖涉險同。

辛卯

年名場終不偶，詩句尙能工。仲氏今聯榻，壺天舊夢通。

昔與仲弟同居大儒

巷墮名詩酒壺天

聞臺灣徐樹人觀察

宗幹

考校生童釐剔積弊威

聲肅然文風丕振作此寄懷

海澨修文教翻然陋習除仁流千里外威震百蠻餘下
士慙懷壁邊吐樂荷鉏感君多雅化爲寄數行書

懷沈生

際清

吳門

跌宕文場二十年近知匏繫葑江邊一肩寒意撐詩骨
八口歡心屬硯田燕市會同元白巷春風又上孝廉船
寄言賃廡吳門客待我清樽餞臘前

牡榕

雌榕雖不材其蔭垂數畝猶堪庇行人避暑清風受牡
榕勢參天不與化爲偶炎天落葉多赤巖明當牖於世

竟無功，頑姿終易朽。上愧榲桲材，下慚松柏壽。并無雌
榕德，孤直曾何取。胡爲植我庭，汎掃不除垢。甘荔減清
芬，幽蘭緘笑口。鬼車多怪聲，倚汝爲淵藪。我欲尋斧斤，
梯牆一揮手。

哭袁韻亭師

青瓊至老不憂貧，硯作良田筆作耕。化雨一庭書帶草，
余兄弟子姪多從游秋風幾度石頭城。零篇蕭瑟師東野，遺墨蒼
涼似率更。歎息漚波翁已去，問津無路感吾生。

題故友杜拙齋摹漢碑

籀李忽云渺，中郎妙八分。小冠吾畏友，健筆獨超羣。截

壁摩崖異春蛇秋蚓紛小樓今在否東郭弔斜廡

樟木爲匣以貯筆可辟蠹旣銘之矣復系以詩

爲愛管城子人傳辟蠹方不須牀翠石聊用積香樟皇
象新硯發羲之退筆藏分書銘字勒古器儼同行

題王奕龍畫松鼠

寓屬甚微耳琅瑯繪事神迴頭如攫果睜目似窺人葉
階半藏尾樹高時聳身化駕無爾分常此抱輪囷

題金溝農

宗庸

桃花燕子圖

江南春景畫中詩竹外嬌紅半折枝雛燕出巢初學語
午風庭院畫長時

妙擬南田粉本開一雙燕子掠波來鳥能歌舞花能笑
疑自仙源問渡回

夏日敬業齋偶興

薰風微扇午晴初又見榕陰雨點疎別院藥爐烹鶴鱉
荒厨瓦釜膾烏魚過雲誰弄桓伊笛浮海欣傳魯仲書
便覺心清塵夢少詩魔酒魔一齊除

池上納涼

閩山地卑溼暑氣逼新晴薄暮海風至空庭池水清微
涼蘇病骨散步適閒情補石亭邊路芒屨竹杖輕

自刪歸樸龕稿寄駿叔

享帚嘲難解，留皮志可憐。且論今日事，詎望後人傳。茂苑清鐙下，榕城落葉前。一腔蕭瑟意，匏落感中年。

寄董琴涵

膠西稱病久，寂寞故園中。老去心逾壯，興來詩更工。丹邱懷葛令，白社慕山翁。鄧尉梅花發，天涯有夢通。

題錢獻之篆周武王十七銘

斯冰久不作，點畫嗟模糊。郭生夢英後，掇拾有凡夫。寒山

趙宦十蘭獻之最後起，磅礴勢縈紆。晚年折右肱，乃以

左手書，倔強摹鐘鼎。沈雄態不殊，書此十七銘。緬想鎬京初，既狀鵠頭聳。復如蛟腳舒，風流追李監。絕學傳吾

徒

讀嘉定錢竹汀詹事遺書

百家相沿襲沸如金在鎔流傳本一物新異出良工
崑山日知錄自比採山銅朝華謝已披夕秀舒青紅辨論
一名物探從萬卷中詹事昌經學化雨露江東潛研窺
根柢十駕駭博通式闢先儒奧私淑欽古風

受業蔣彬蔚校字

松風閣詩鈔

長洲 彭蘊章 撰

卷十三 朝天集 古今體詩六十四首

友清軒南牆外古松康熙初學使沈心齋閣部

所植也臨行舉酒酌之

虬柯枕頽垣參天勢孤直傳自康熙年學使沈公植沈
公來閩南子然靡家室使車遠巡行留守蒼頭一穎士
僕可人種松自怡悅公歸開笑顏擘窠遂奮筆友清名
其軒跋語詳年月迄今留蒼翠百尺標勁節天矯蛟龍
形盤坳魍魅穴我亦子身來三載勞行役歸時軒中坐

濤聲奏琴瑟頓忘羈孤意自覺形神適念公培俊髦去
思人不釋烏石建專祠俎豆宮牆側有如此貞松青雲
千丈拔自慚樗櫟材未有後凋質觀物慕古人舉觴與
君別

裕集菴將軍

瑞

劉玉坡制府

韻珂

徐松龕中丞

繼

翁黃莘農學使

贊湯

東紫來副統 純 陳慈圃方

伯慶借

尙志齋

阿本

戴淳夫

嘉穀

兩觀察送至

郵亭留別一首

久處何知樂將離倍黯然門前開車馬眼底滿山川寒
意生天末歸心寄日邊仙霞今在望孤客已三年

水口舟次留別諸生作

三年閩嶠賦馳征千里輶軒返

帝京翦燭連宵終有別歸裝萬卷卻非輕他鄉秋盡衣
還薄此地山多水自清一片冰心誰可示照人明鏡屬
羣英

古田卽次知史穆堂主試甫行役夫未還留待一

宿

水行駕舟楫陸行乘車馬惟有山行難擔荷視多寡役
夫去復來躑躅行其野昨日送前使今日迎來者嶺頭
人未歸信宿青山下

夜宿清風嶺懷鄭生

守孟陳生 開廷

日暮清風嶺長空細雨催澗深橫畧約村遠見樓臺旅
館孤蹤寄鄉書驛使來榕城歸路近應已挂帆回

宿金沙驛

寒雲初漏日傍午駐金沙已過葫蘆谷聊停薄笨車路
長宜小憇客久慣如家莫歎秋光晚籬邊有菊花

延平留別胡懷壯太守同年并寄李竹朋汀州

一塔凌空入望遙千家烟火起山署劔津秋盡波聲急
三十舟橫鎖作橋

屏障樓臺誇樂天全家終日住山顛丹梯百級青雲上

只恐高寒妬列仙

畫戟三秋駐劔津
天涯作別客愁新
同年半在長安道
閩嶠論交有幾人

韶光過眼等雲煙
一度相逢又一年
更憶題詩蒼玉洞
九龍山下有龍眠

過李延平祠

理學淵源出豫章
龜山弟子幾升堂
百年私淑從明道
千載薪傳屬紫陽
劔浦山川今不改
考亭祠宇遠相望
我來三過門前路
未及停車薦一觴

建寧留別嘉應溪太守

桓

相逢幾度換星霜今日溪頭別意長多士涵風容我拙

大儒世澤待君昌

考亭書院義學及紫霞洲義學諸善舉皆賴嘉君主持

三年商

畧開鄉學九頓迴環起墓堂

嘉禾里九頓峯下朱子墓堂去年重建亦賴嘉君主

其事尙有紫霞餘事在替籌久計費許量

紫霞洲義學規條未定屬嘉君

裁酌并刊徵信錄以垂永久

紫霞洲義學生徒遠迎城外遂同謁朱子祠留別

賢裔朱茂才 振鐸

紫陽家塾盛英才童冠將迎出郭來墓舍新看依澗築
祠堂早爲畫沙開千秋俎豆儒林表奕代衣冠世澤恢
此後無教絃誦輟溪邊臨別又裴回

停車八仙塘

嵐光水色繞孤村斜日停車傍寺門
雨後秋山蒸霧氣燒餘衰草蝕霜痕
沙洲船泊櫓聲歇鷺嶺人稀鳥語喧
行過板橋紅樹外一川碎石野泉吞

葉坊曉發

已過建安邑羣山秀色饒淺灘橫水碓老樹枕虹橋
地行將半吳儂遠見招考亭髦士集話別訂來朝

建陽留別考亭書院山長賴遜齋

廷燮

并在院生

徒

善誘紫陽裔三年絳帳開山川增秀氣童冠起羣才先

哲家風振師儒化雨培諸生憐我別他日或重來

日午至白槎塘

肩輿得得趁新晴曉霧開時野徑明樵響依稀山漸遠
灘聲斷續水初平南來秋浪三篙漲東去孤帆一葉輕
計我行程及千里半途回首望榕城

賴遜齋廣文言新城陳碩士先生視學閩南曾延
師主講考亭督課朱子後裔三載今余重整考
亭喜與先生先後同心因紀以詩

新城吾及見醇粹古文家月旦公評協春風後進加名
山開講席遺墨重籠紗

永春州試院有先生手書楹聯

幸步前賢躅亭

環問字車

李延平後裔南平李映星真西山後裔浦城真應

元兩秀才先後來迎作別

儒宗閩嶠盛後起况多才祠墓青矜守詩書素業恢深

情留我別倦眼爲君開尙有豫章裔兩生何未來

羅豫章後

兩生亦余所得士

重書朱子墓道碑敬誌一絕

斷碣千秋沒草萊祠堂築後表阡來大書徽國文公墓
堪做陽冰般若臺

建陽雲谷爲朱子集註處諸生請書五字泐石因

誌二絕

雲谷茅菴故址荒人傳朱子讀書堂
廿篇論語微言在
半部還教治具張

前賢芳躅繫人思絕業相傳百世師
塞斷歧途歸正路
千秋名教賴扶持

馬嵐遇驛使郵書陳慈圃方伯

客行何處報平安鎮日巉巖絕壁看
暫聚年華如暫別
君於癸卯歲陳臬山東與余別三年
丁未春與余同官閩嶠迄今亦三年
兼人才畧稱兼官
君時兼道逢驛使裁書急車到京門
送臘殘已荷
權泉象

主恩歸省墓故鄉聊可作盤桓

余請假省墓是日
旨允准

懷廖生 天衢

廖生不得志鬱鬱住榕城好語神仙事曾無仕宦情三
年空說項五十未成名 生優於行以文中疵
句不得貢成均爲惜 適館知何
地愁爲俗眼輕

由馬嵐至象口作

馬嵐象口路迢迢落葉秋風氣沈寥破浪一帆移小艇
綠溪九折架危橋層樓角斷山雲出老樹心空野火燒
歸鳥投林天欲暮郵籤細數石陂遙

麻源卽次

山行曉霧濕冥濛十里初看旭日紅對面青山無睡態

可人綠樹傲秋風板橋斷水舟橫渡
茆店臨流屋駕空
倦客投來營一飯停車旅館太匆匆

夕陽寺

鷲嶺參天古寺開停車嶺畔一裴回
山僧煮茗炊黃葉
吟客題詩掃綠苔澗底波聲浮舴艋
峯凹雲氣擁樓臺
九湫指點前程遠落日歸鴉暮色催

仙霞嶺懷仲弟暨楊與山袁宗山

仙霞一度已三年予季相隨對榻眠
千里長途無倦客
連朝旅館有賓筵建溪作別孤懷壯
仲弟次年春相別於建郡與山亦抱
病歸閩嶠重周歸計便嶺上獨看烏柏白
又逢霜信到南

天

度嶺感懷

乘輅三載久歸計竟無聊
書篋添千卷冰銜博一條
名山容暫住厚祿惜虛邀
便欲趨

丹陛工虞答

聖朝

楓嶺入浙江境

山行十日過楓嶺已到衢州
第一程千朶青芙蓉將踏遍
便移烏榜聽灘聲

江郎石

江山山上江郎石矗立三峯黛色寒去日分明來莫辨
此峯只合向南看

衢州訪林錦堂總戎 方標

彭城茂苑家千里

君家徐州

客路相逢意倍親幾日盼過楓

樹嶺微霜喜及菊花辰

齊中菊花方盛開

茶香酒熟堪留客榻

綠橙黃總可人此去似聞灘水淺匆匆鼓柁問前津

登舟示慰高祖壽作

來時賓從盡還鄉喜汝相隨驛路長待過家園仍作別
杏花風裏東輕裘

前年從我渡江來今到閩山去復回曾啖荔枝三百顆

秋風同眺越王臺

書聲燈影繞虛廊
問字肩隨鞞雅堂
仄嶺危灘都歷遍
閒來未使硯田荒
帶郭田多浸北流
大江南去已無秋
哀鴻滿澤難安集
千畝虛稱萬戶侯

馬家塔阻淺

錚錚石上聽篙聲
淺瀨舟如陸地行
卻憶來時三日雨
東風吹送一帆輕

過龍游作

一川秋水碧於油
兩岸平沙起小洲
山色漸微灘漸遠

櫓聲鴉軋過龍游

淺灘

淺灘多阻舟淺人多懷憂不見江河深艤艫輕一漚

將至蘭谿懷家喬仙江弢叔吳門

一灘初過碧溪平兩岸微聞欸乃聲
漁浦風寒征雁急沙洲日冷曉霜清
舟中聯句懷前度來時與喬仙姪聯句馬上看

山記遠程

弢叔有立馬雪中看嶽色圖在山左時作

此去吳門重話舊侵尋

歲序又將更

白鳥

白鳥掠波飛清光照素琴
莫翔潢池畔對影是耶非

紅葉

閩嶠無霜信三冬綠滿林今行過激水絢染碧山岑

扁柏曉發

歷盡重灘鄉思催舟人夜語片帆開今朝枕畔波聲緩
已趁東風過釣臺

富陽遇雨

山行十六日微陰未零雨泛舟過富陽風雨停柔櫓碧
漲隨潮生瀾瀾平江渚遙憶灘上船無復聲耶許鎮口
挂帆行中流自容與

杭州舟次有感贈吳甄甫中丞

文萃

東南水患甚於今蒿目時艱淚滿襟鴻雁不堪愁裏聽
成湖山誰向酒邊尋毀家紓難名臣業後樂先憂古哲
心聞道江淮秋漲盛幾人高卧在山林

贈汪衡甫方伯

木銓

年來蹤跡半相同忽聽旬宣到浙東旌旆凌雲浮畫鶴
江湖滿地集螭鴻清遊未暇追蘇子荒政猶堪繼范公
今日水天閒話處何殊射圃夕陽中

淀園射圃爲同人退直游息處

災民歎

去年江北遭元冥千里但見羣山青今年水災連楚浙
三吳窪下無畦町已看鱗介游阡陌更見街衢渡舟楫

崩牆塌屋人呼號斗米青錢六七百民生墊隘愁淫霖
人溺已溺禹稷心此時經畫在守土鄉黨分憂情亦苦
楚蜀由來富稻梁大商販米下連檣霑勻吳皖及西浙
居人隔歲藏餘糧楚今告災資蜀米蜀商不復南來矣
痛癢相關浙與閩臺灣航海千艘輕告糴一呼二十萬
浙民何幸聊其生吳儂與浙爲唇齒松江海船常通市
餘波及晉終式微汎舟自雍亦勞止更從何處導來源
不耕之士幾千里聞道閩山薯可食年年乍浦來海客
胡不早市爲雜糧此是古人救荒策

西山西省墓書懷

廿載京華客春秋感露霜銜

恩來拜墓奉使偶還鄉

蒙恩賞假二十日省墓

已見童孫輩會無

大父行殷勤增馬鬣窮艇繞橫塘

官瀆省墓示大宗從孫

來保

先人曾小牛眠地此日新增馬鬣封喬木蕭森逾十世
層巒杳靄度千重天涯霜露遲歸客故里丞嘗屬大宗
今歲墓田無稻穫還攜酒食遠相從

還家偕董琴涵致祭問梅詩社諸先生

憶入問梅社乙酉孟夏初實始從季父

輩問公

招邀賦叩

須策杖尋巖穴熾舟涉川塗吟咏各適性篇章足破愚

涪翁詩初唱

黃蘗先生

延之輪共扶

尤春樊先生

方平及曼卿

張蒔塘石竹堂雨先生

相約期不渝閒情寄豪素涸迹親樵漁有

詩須共賞有酒常相呼空山鳴老鶴笑余一匹雛飲啄

芝田側奮飛詎南圖後有韓擇木歸田老尙書

韓桂齡先生

清才吳季重亦返承明廬

吳棣華先生

寓公紫陽叟絳帳開

三吳

涇縣朱蘭坡先生主講正誼書院

河陽時一至蹤遠情不疎

潘理齋先生

生亦偶至問梅社

春雨肥符蕨秋風美蓴鱸撫時慕儔侶相遇

爲歡娛膠西獨後至旋結滇南符余亦濫朝籍京門三

載餘種梅當百集觴詠惜未俱

桂船先生築種梅書屋落成適逢詩社第一百

集有詩記事時琴泃在滇余在京

歸來各無恙所痛大阮祖

余辛卯偁歸季父已

逝家山改寒燠迫促歌驪駒贈言記分韻七字離懷攄

壬辰秋復入都諸先生饒別於花間草堂以佩聲歸到風池頭七字分韻登高躡虎阜別緒

何紛如余又邀諸先生於九日至虎阜登高去鄉十四載闔南乘使車三

秋當瓜代四牡還故居歲月感匆遽壯夫今白鬚眷言

諸老宿奄忽歸黃壚經師亦老病去去黃山隅蘭坡先生年逾

八十已歸故里惟餘下帷客碩果推鄉閭相別亦云久相對蹤

非孤先輩今渺矣儀型與俗殊名宦肅祠廟蒔塘先生祀泮中名

宦鄉賢崇楷模理齋先生祀吾郡鄉賢豈徒尙風雅德業稱簪裾

名山藏著作里社尊師儒詩書啟後嗣彬雅皆吾徒臨

風奠清醕胡爲重欷歔

北行至犇牛夜泊感懷

前年到犇牛，予季扁舟至。相見訝老蒼，相別年十四。條
更寒暑三泊舟，重此地憶昨宵。江濱樽酒添離思，好事
有冬郎。攜具招翠季，韓小胎呼舟夕陽忽在山。擊楫東

西逝，省墓還家園未了。生平事此別，知何年重逢良宴。
會短晷，迫殘冬。長途嗟憔悴，竊祿濫朝簪，何能戀親愛。
來朝挂帆行潮上，寒江大

新豐夜雨

南風吹送雨瀟瀟，日暮江干長暗潮。已別家園三百里，
蓬窗燈火照清宵。

木犀清言金 卷十三 三
我欲乘風渡揚子，偏逢寒雨阻丹徒。來朝登陸尋銀蒜，
蓑笠江頭野艇呼。

里門訪潘功甫未見而手書三至舟中尋釋寄懷

一首

世上未有如公冷，其心則冷其腸熱。救荒不惜千黃金，
人饑我饑溺我溺。手書勗我致治方，我無言責官不當。
讀書有得贈良友，美哉此意何敢忘。人生百年幾相見，
咫尺胡爲阻覲面。我亦有懷欲自陳，無緣倏已辭鄉縣。
自丹徒陸行至簿灣泊舟，風雪不得渡江揚州吳

紅生太守

葆晉

遣使來迎詩以代柬

陸行踰鐵甕泊舟到江干江干三日風白雪飛漫漫引
領望瓜步遠若蓬萊山行役已勞苦况復逼歲闌篷窗
人寂坐目送江潮寒邗上有故人遣使申舊歡慰余離
羣感忘此行路難且夕渡江去樽酒話長安

雪中望金山與慰高聯句

東風吹我度江城浮玉山頭積雪明古塔埋雲沈磬響
詠歸帆喧浦聽潮聲紛紛移種琪花遍慰高片片飛來鶴
羽輕此境高寒人迹少中冷應比舊時清詠

揚州舟次題樹齋師如此江山圖師遊焦山作

往來南北幾春秋如此江山我未遊昨日東風吹白雪

便辭鐵甕到揚州

報國丹忱去不忘
蹉跎怕點鬢絲霜
壯遊千里吟情劇

楚粵山川入錦囊

師有楚遊
草粵遊草

日下曾陪杖履遊
霜天一別幾春秋
重逢積雪寒江畔

猶喜相看未白頭

揚州訪吳西穀少京兆

清鵬

讀所著笏菴詩鈔追

懷令兄小穀太守

清皋

時小穀歿纔三月

頃簾雅奏譜鈞天
壇坫春明二十年
老病今難勝再拜
新詩還復出千篇
鶴原餘痛君誰遣
駒隙浮生我亦憐

昨過西湖懷故友王郎

若溪

塚上草芊芊

寶應阻冰陸行至清江浦登舟

憶昔遭喪去堅冰歲暮時茅巷名一粟

已巳十二月遭遠峯兄喪由清

江甥館奔歸過遇堅冰舍舟登陸過寶應住一粟菴

藜飯度重陂乘傳逢寒雪停

舟更水湄白頭增感慨景物歎類移

弭棹到江隈驚心歲月催菱隄變陂澤茅舍漸樓臺白
髮來何遽紅顏去不回廿年三過此感舊使心哀

清江浦有感

鳳皇臺上憶吹簫四十年來景寂寥此地悲歡曾幾度
昔時朋輩每相招扁舟獨往心常苦舊夢難尋境已遙
重訪衙齋人不見一杯黃土傍虹橋

鄴城微雪

適館鄴城畔驚心臘已殘
撫時懷耿耿飛雪路漫漫
鴻雁新聲苦河渠上策難
往來車馬客高卧慕袁安

蘭山夜雨

殘冬暖氣生細雨滴簷聲
五夜愁無寐千山我欲行
空庭嘶老馬野柝數寒更
明日青駝寺巉巖第一程

輓圃香弟

蘊柯

伯仲齊年先弱一大宗門祚少良圖

弟與其兄辰同歲
生辰幼穉故弟爲

大宗傳家科第終虛願
世業田園半就蕪
去日樽前增老態
歸時帳下泣遺孤
敲棋對酒懷陳事
太息鉏雲家園名

此樂無

庚戌正月五日到京復

命召見奉三無私殿卽拜兼權刑部侍郎之

命翌日又奉 命辦理

昌西陵工程恭紀

持節歸來謁

帝闔敬承

清問念黎元

時蘇浙
水災

居廬頓覺容顏悴

時居
后喪未及匝月

皇太后

前席重聆

訓諭溫問嶠三年慙報稱秋官五聽拜

新恩鳩工本是司空職度地庀材相隲原